



Vitolphus multis artibus instructus apud Septentrionales populos in magna authoritate extitit, anno ducentesimo decimo quinto. Erat præterea rei bellicæ peritissimus, atque ideo Haldano regi Daniæ gratissimus. Accidit autem eo tempore, ut Ericus Suetiæ rex cum Haldano bellum gereret, atque per occasionem hostem fere in potestatem redigeret: sed fuit Vitolphus in arte Magica adeò peritus, ut uenientibus confestim omnem oculorum usum adimeret, ne Sueones propinquas ædes uisu aut uestigijs indagare possent. Cum etiam Haldanus grauius in prælio fauciatus esset, Vitolphus certissimis Medicinæ artis exper-

imentis eum ad pristinæ incolumitatis habitum perduxit. Itaque Haldanus huius Vitolphi prudentiâ cōseruatus, & sanitati restitutus, postea suos hostes superauit, & magnum sibi nomen comparauit. Ioan.